




Konstituisaun importante liu ba ita nia moris lor'loron
nudar ema Timor oan.

Konstituisaun mak dehan ita Timor oan ba ne'ebe.



Konstituisaun mak...

lei fundamental nasaun ida nian.

Konstituisaun mak lei prinsipio nasaun ida nian.

Lei hotu-hotu sira seluk tenki halao tuir konstituisaun.

Konstituisaun eskclarese struktura nasaun ida nian
no oin'sa orgaun nasaun nia servisu.

Konstituisaun eskclarese poder no dever estadu nian.

Konstituisuan atu regula poder estadu nian,
tamba ne'e mos, Konstituisaun nia funsaun
hodi uza atu ivita poder nebe la los.

Konstituisaun sei decide no defende
povo hotu-hotu nia direito.

Konstituisaun nebe atu forma ne'e
hanesan fundasaun ba Timor Lorosa'e nia futuru.

Konstitusaun maka defini relasaun
povo Timor Lorosa'e no Governo Timor Lorosa'e.



Oinsa prosessu atu forma konstituisaun?

Importante teb-tebes atu ema hotu hola parte
atu tama iha prosesu preparasaun no forma Konstituisaun.

Konstituisaun tenke representa buat nebe ema Timor
Lorosa'e nian hanoin no hakarak.



**Konstituisaun mak hanesan uma Timor Loro Sa'e foun.
Ita tenke deside nomos servisu hamutuk
atu halo uma ne'e diak no forte.**

Oin sa esperensia nasaun-nasaun sira seluk ho proseso atu forma konstituisaun?

- Iha Indonesia, konstituisaun ne'e so ema grupo ida nebe nia elementos maka hanesan liders politiku sira no matenek nain sira kona ba lei nian.
Grupo ne'e serbisu ansi ka lais liu molok atu proklama independensia. Tan ne'e maka buat barak la regula ho kompleito iha konstituisaun ne'e, nune'e fasil tebes ba governo atu halao manipulasaun.
Ne'e maka akontese durante tinan 25 iha resime Orde Baru nian.



- Iha Thailandia, povo hotu partisipa iha prosessu halo konstituisaun.

Hahu ho prosessu eleisaun atu hili membros nebe tur iha Asembleia nebe atu prepara konstituisaun.

Iha fulan walu nia laran, Asembleia ne'e forma konstituisaun nomos ba halao sosializasaun, liu hosi telivisaun no radio, hodi rona povo nia opiniaun.

Organisasaun Non Govermentais mos halao encontro publico ho povo atu povo bele hola parte oin'sa atu prepara konstituisaun ne'e.

- Iha Frances no America Serikat, grupo mane hosi rasa mutin sira nebe iha tereno ne'e maka hakerek ka halo. Tinan barak lo'os, sira deit mak iha direitu atu tuir eleisaun no direitu ba propriedade no rai.



- Iha Afrika du Sul, prosessu halo konstituisaun percisa tinan tolu no povo hotu partisipa.

Primeiru, sira halao konstituisaun temporariu maske iha tempu nato'on atu konsulta ho povo.

Depois tinan tolu halo educasaun no konsultasaun, sira adopta konstituisaun permanente.

Oinsa prosessu prepara konstituisaun iha Timor Lorosa'e?

Iha Timor Lorosae, governu transitorio UNTAET tuir regulamentu No. 2/2001 no ho konkordansia husi reprezentante povu Timor nebe iha Konselho Nasional, ha'kotu tiha ona katak konstituisaun NASAUN foun ida ne'e sei halo liu husi eleisaun geral nebe atu mai.

Asembleia Konstituante sei forma liu hosi elisaun geral nebe sei ha'lao iha tempu tuir mai.

Tamba konstituisaun importante tebes ba futuro NASAUN, ne'e duni ema hotu-hotu iha oportunidade atu ha'to aspirasaun kona ba konstituisaun nia isin nebe atu halo da'dauk.

Administrador Transitorio UNTAET ha'sai tiha ona desizaun ida kona ba formasaun Komisaun Konstituisaun (dekrito lei No. 2/2001).

Komisaun Konstituisaun nia servisu mak atu ha'libur povu nia aspirasaun iha distriktu ida-ida kona ba konstituisaun.

Hodi nune, komisaun konstituisaun sei ha'lao encontro ho povu iha distriktu ida-ida

Aspirasaun nebe mosu husi encontro sira ne'e,
sei hakerek hanesan relatorio
nebe sei hato'o ba Asembleia Konstituante

Ne'e prosessu ofisial nebe sei lao.

Iha mos dalan seluk nebe ita bele uza hodi envolve iha prosessu preparasaun no halo konstituisaun.



Oinsa ita hotu bele hola parte?


**Ita bele hola parte iha prosesu forma Konstituisaun,
hanesan nune:**

- Partisipa iha diskusaun geral kona ba konstituisaun.
 - Buka informasaun kona ba buat hirak nebe sei iha ligasaun ho konstituisaun.
 - Husu ba grupo serviso povo nian ba konstituisaun atu ajuda halao diskusaun kona ba konstituisaun.
 - Estuda ou aprende esperensia hosi NASAUN SELUK, kona ba forma konstituisaun.
 - Koalia kona ba buat hirak nebe mak ita hare importante teb-tebes.
- Fo fatin no tempo ba ita hotu-hotu, feto, mane, ho labarik sira atu fo hanoin konaba saida mak Konstituisaun.
- Fo ita nia honoin dereitamente ba Komisaun Konstituisaun iha ita nia distrito ida-idak.
- Husu ba partidu politiku sira nomos candidatu Asembelia Konstituante atu fo sira nia opiniaun kona konstituisaun.

Saida dei't maka ita sei koalia iha konstituisaun nia laran?

Iha konstituisaun nia laran ita sei halo decisaun importante barak ne'be mak iha valor ba ita hotu nia futuru.

Tuir mai iha pontus importante ne' be maka ita sei decide iha konstituisaun nia laran atu decide kona ba pontus sira ne'e,
ita sei presija halo diskusaun:






Prosessu atu halo konstituisaun ne'e prosessu ita hotu nian!

Pamfleto ida ne'e sai housi
Grupo Servisu ba Konstituisaun.

Husu ba povo atu hola parte
iha prosesu atu prepara ita nian konstituisaun.



Grupo Servisu ba Konstituisaun ne'e
iha grupo barak mak hola parte iha laran:
ANMEFTIL (Juristas), Caritas Australia,
Centro Dame no Desenvolvimento Bispo Dom
Carlos, Fokupers, GFFTIL, Haburas, KSI,
La'o Hamutuk, OXFAM Australia,
Seksaun Direitos Humanus UNTAET no Yayasan HAK.
Asia Foundation suporte publikasaun ne'e.

**Ema hotu hetan konvite
atu kolabora iha grupo servisu ida ne'e.**